

NORTHERN MARIANAS COLLEGE

ORAL HISTORY PROJECT

CNMI ARCHIVES

Date: November 22, 1996

Interviewer: Herbert S. Del Rosario

Interviewee: Magdalena Arriola Flores

Place: Home , Chalan Kanoa

Video Man: Ray D. Diaz

Transcriber: Nomi Lifoifoi Kosaka

Introduction: Hafa dai yan Buenas Dias, Enkuenta di Northern Marianas College, Malago yo na baihu chuli este na oportunidad ya baihu extendi un dangkulo na appriciasion yan si Yuus Maase para si Tan Magdalena Arriola Flores, pot i hanaposible i tiemponna para adigane hit dididi pot i expirensiana yan i todos i tiemponna ni ha-ayuda i Guma Yuosta guine giya Saipan, espicialmente i Cathedralat gi Chalan Kanoa.

- Q. 1 Nan Nenang nu hafa na mato tiempommo para un tutuhon man ayuda gi Guma Yuus tat i komo ayi i Minalagomo gi Guma Yuus?
- A. 1 Nu sasaunau yo gi Parish Council nai, Ya anai man meeting ham nu hagofnesesita ayo na tiempo gi anai ma areregla i Guma Yuus nai tinahong kanai. Pues mamaisen i Obispo gi entre hami, haye magof, haye sina bumuluntario man ayuda hafa gi Guma Yuus nai, masea  
Pues guaho ilegko na yangin hunasina baihufan ayuda. Ti ilegna ensegidás na para baihu na Komotgan, Pues anai sigi mona nai ayo nai hafaisen yo ilegna, Debidi un saunau muna-komotgan. Ilegko Obispo dai kalan yo masat tatautauho nai, sa antis tisina ta pacha ni enau i Santa Kommunion, no pues enau i para baihu na-komotgan nai nu kalan hafa para uma-alog ni tautau sa ta kostumbre na ti kuatkueraha nai enau. Pues ilegna, polo ya antes de un tutuhon muna komotgan bai publica huyong nai na si, hasagan i naanho, na para baihu na komotgan, Pues ayogui nai hu tutuhon munakotmotgan, uma-yuyuda kada Misa Damengo nai yangin bula tautau. Pues esta án hatututuhon i Misa ya ha-atan yo, esta hutungoha na debidi baihu hanau ya baihu ayuda gui. Pues gi enau sigi mona nu i pot este i Sacrestan nai, finenina si Difuntu Pedron Teregeyo. Pues anai

matai si Pedro, ha chuli i lahina nu nuskuantus gihalom enau i un mesesha. Ya megai nai ti mato nai, PUES esta kalan iGuma Yuus kalan dis areglalao mona nai i oꝝan Misa sa tima prepararau, Sa i tanores ti para siha u aregla enau na chocho. PUES nu hafaisen un finagpo i Misa nai, ilegna Denang malago hau na para bai ufan ayuda ya bai, taimano i checho ayo i Saclestan, Baihu chogue, Ilegco hungan sen magof yo baihu chagi. Lau esta guaha nai hulie enau, sa estaba si Edward lahiho sasaunau guenau, PUES an timo-mato, guaha nai ilegna nu guaho, Nang, hanau nu...baihu tahgue guigui nai, PUES esta kalan hu tungoha dididi nai, nai pues gi anai humalom man ayuda yo, sen magof yo magahet. PUES anae yo yabi nai para guaho baihu bababa i Guma Yuus kada dia kada ogaan., PUES esta desde alas 4:30 A.M., dipendi gi simana, Damengo pat o pat sino kinsi para a las sinko, PUES huaregregla yo pot mas atrasau,,guaha nai, ilegko pot asta alas sinko i dies, esta bai huhanau ya baihu babac i Guma Yuus sa i tautau siempre man mato sa alas sai i Misa nai. PUES desde enau mato yo guato hu baba i petta, hututuhon nu uma-aregla siha, hu prepara siha hafa para siha para umanafan setbe gi Santa Misa no, Desde i magaguna si Pale, asta todo i ostia, bino, i hanom yan todo tampen lamasa todo siha manesesita nai sausau katnai yan todo. Hu taiguenau siha huchochogue. PUES an magpo talo ahe pues nu,ayogui nai hu konsigi an Damengo. Kada Damengo ha sa hafaisen yo na masea hafa masea taloane, Pat hafa, puot ya guaha matai pat hafa nai bai hu fafato talo ya bai hu prepapara. PUES huchagi nai ya ombri i asaguaho nai guaha nai humanau para i lanchu nai taya para bai kinegkenig nai guaha nai lumaho yo. Despues muma agniau yo ni lumalaho an hulie esta i kareta na manpos nu ayu i kalan ti... ayo i man espipiding nai ya maniau yo na baima chigit. PUES talo uno maipi i semnag, Uchan no, kalan chatsaga para guaho enau. PUES magahet na hugagau despensu, ilegko, despensa yo ni este, an taloane sa makat para guaho, ya maaniau yo gi chalan, guaha nai guaha gatlagu, pat hafa nai, ya anmon lahihot lau esta maulegha na destansia nai, ya pues an ogaan ha, nu pagoha mafato yo ya hu tungoha i gigon mato yo esta hutung goha hafa siha para bai prepara para todo, hafa pago magaguna, para uma usa ni mamale,Hafa na kulot hafa todo nai no. PUES an entre simana hasan nai muna komotgan yo, sa mapos didiha na tautau nai. Pago yangin taigui si Kiku, sa i

gachochoho nai si Kiku nu-, Guiya kulan lumaglagnos i kopan hostia ginen i tabernakulo nai, pues an taigui pues guahoha guenau tumotogga muna huyon, hu lalagnos pago huyong para bai en mano nai para baien na setbeni para i tautau siha sa dididiha in nanaye-gui, dipende guiyangin dididi ayo:i kopa, pues ena lamegai, pago yangin megai pues in-na dididi nai. Pues in chichili kada kada taiguine na esta despues , antes de:i Kommunion nai, En lalagnos pago ayo ya ayigi mana setbe ni para muna kotmotgan yangin sobla ma basia, ya ma polo talo tatte gi saganna gi taiguenau gi:tabetnakulo.nai. Pues tai-guenau, Pues an-magpog i Misa bai saga halom talo ya bai hu aregla talo tatte gi sagan niha yan todo pues mapuno i kandid, hu:todo nai, Hu hucom i kandalo pues ayo nai humanau yo para i gima.Tai-guenau kada dia...

Q. 2 Ayo i magaguguna si Pale, ninkada dia, ni para i Misa, taimano tun-gomo hafa para u usa si pale na magago?

A. 2 Guaha leblo, este manmatutugi, hafa na kulot, hafa, finenina i haane hafa na kulot, ayogui pago nai in gigiya yo nai,haa.

Q. 3 Guaha nai masusede Nan Denang ayo i an munaKomotgan hamyo, ti nahon ostia?

A. 3 Desdeke hu tutuhon muna-Kotmotgan kana taya, sa guaho prumipapara ayo pago i ostia husaguaniniye nai, Pues guaha pago na biahe na yangin kulan duda nai, sa hutungoha bumaba ayo i Tabernakulo lau tiyahoha na para baihu setso nai , Pues guaha nai an mato si Frank hutago na hu check kau megai pat dididi, ya ayogui pago na hu-nanaye halom kantidad pat dididi para ufan nahong i tautau.

Q. 4 Fuera de i man Hermana siha guine giya Saipan, Hago i primet na palau-an nimunana-Kotmotgan Saipan?

A. 4 Kalan hu hatsu na buente guaho finenina ni hahala i Obispo nai, Pues ayo nai sigi mona, Si:Sister Remedios,mantha yan si Kiku, pues ayo nai, pues iya, kada Damengo nai kada alas nuebe mafato yo mosme Misa chatatanmag yo nai, pus pues alas nuebi, i Misan, bai hanao talo ya baihu fan ayuda ni Komunion sa bula nu ayu i man:go-kotmotgan, ni tautau hiyong nai. Pues magahet na ekaa. kuantos meses ni enau, pues mahatsu, maestudiadiaye mona ansakasu, ayo na mahatsu na para:uguaha ufan makonne entre siha este i taalog nai ya ufan lokue

maayig ni para siha mismo lokue u ayuyuda i tautau niha ni para Komunion. Pues bumasta yo ni enau ni enau nai, Sa ...

- Q. 5 Okay, fueradi muna-Kotmotgan, Nu guaha ottro ni un chochogue gi gima Yuus? para setbisio para i komunidad tat-komo manuchan Lisayo, Nobena pat nu ottro siha na actividad nai ni finaisen hau ni Seniot Obispo?
- A. 5 Hungan, lau hagasha desde antes. di baihufan ayuda ni enau i para i Santa Misa nai no ni para baihu pripara para siha. Pues estaha yo hağas na man ayuyuda yo ni este i humuyonho gi eskuela hututuhon mama nague gi eskuela doctrina, Primet Communion, todo esnau nai pues nu sigi mona man ayuda yo nai kumatora yo, manunucha yo lisayo, despues de i gera lokue hututuhon man nucha lisayo. NI este yangin guaha matai, nai anai estaha bula techa nai guaha na chum machago yo nai lau gi tutuhon siha, magahet nu megai hayudadaho nai i doctrina enau i lisayo yan todo esta pago i Guma Yuus husesetbe ha lokue an hafa guaha todo Nobena. Kualan guaho techan i guma Yuus nai. Pot i hunanaeaha i palo para ufan ma nucha ya ufan payon nai lokue nai sa tita tungo titatungo haanita nai munga nai despues nu para esta magahet na guaha nai esta kulan libiano yo pago, An ogaan, kada ogaan matucha i lisayo, pues gaige esta si Tan Emilia, naino, Pues guiya tumutucha yangin an tisisina ya timalango, pat sino an taigui guaho, pago chumahlau pues hufaisen talo i ottro na para guiya sa guaha nai chatsaga yo nai gi san halom yangin megai nai na uyu, An mato yo guaha na biahe nai man mato an ogaan siha gua-siha megai siha ni para ufan ma aregla nai. Guaha nai chatsaga yo, ya manucha yo, guaha nai esta kinsi. para alas sinko pat sino, dies nai humahalom yo guaha nai tisina nai. Pues guaha nai taiguenau guaha nai hu-taftaf-gue mas para baihu chogue palo antes de bai fanucha.
- Q. 6 Nan Denang kada dia humosme Misa hau? Pat an Damengoha, yan i man maguadia sihaha na gupot?
- A. 6 Kada dia Lahiho, hu mosme yo Misa. Soloha taiguiha yo guine, nai timafatoha yo gi Guma Yuus. Lau yangin gaigiha yo kada dia.
- Q. 7 Okay. Nu pago hafa inatattatmo, pago na tiempo mas bula man hohos-me Misa pat bulana antes gi anai un atan i tautau nai, ni ayo siha i man diario siha guato gi Guma Yuus, sino nu ayo i setso man hosme-Misa, Hafa mohon inatattatmo mas bumula tautauta man hohosme Misa?

Pat nu ahe?

A. 7 Hungan nu guaha esta diferencia, yan i man malofan siha na tiempo, sa guaha magahet na tufugonha nai an chatmag, lau despues pago, megai esta na guaha na manman lisayo no, pot kompleanos pat esteha echuka i San Antonio, an Martis enau nai ~~mamas~~ bula. Yangin taya hafa ottro na occation gi Guma Yuus ni kada familia nai gi an guaha kompleanos, familial niha nai, manmato pago bula pago i Guma Yuus nai. Haa.

Q. 8 Nu pago siha na tiempo, bula probleman familia. Bula familia ni ayo i man mayamag, tat komo este i probleman i man asagua, siha, Hafa mohon i Guma Yuus sina ha offrese, gi anai sinia para u nu una guaha educasion para ayo siha i man asagua nai, no pat este i familia siha ni man inefecta ni bula siha na probleman familia pago na tiempo ni man a-ayuti, no. Nu hafa mohon na setbisio i Guma Yuus sina ha ofrese para uayudaye este siha na Magilisyano ya munga na rason na ubula uma-konsige i este siha na problema guine gi tanota.

A. 8 Hungan guaha esta gumuaha enau taiguine pago nai tinisisario masea haye. Gi magahet gui gi Maturana parehoha lalahe yan famalauan. Yangin guaguaha problema, sen mauleg na ufato ya hu ekungog pat hafa ayo mafananaan naan kalan mohon man lititiru yan manma espli-kakaye pot enau nai. no, pues guaha talo i Obispo, na hasagan na hita ni tautau achoka dididi na problema esta mana dankuloha nai. no, Yangin sina ufan akomprendeha i dos umasagua, no. Uakomprende mona ya u enagui nai sina nu u pas giya siha no. Lau megaiha ayo i gigonha hafa esta ma hatsuha para umayuteg. Kalan guaha nai ti bumalansa i bida yan enau i para ufan adespatta nai. Ha, ya hagagagauha i Senot Obispo, enau na u fatachon i dos umasagua, ya u akomprende ya uat-despensa, ya usigiha mona i lau kalan tahuhogogha na megaina esta ayi...sa hafa ?

Q. 9 Guaha nai kumuentos ham yan i Senot obispo pot i rason na debi mohon este siha i yangin man gai problema nai este i familia no pat i dos umasagua, na debi mohon i Obispo pat i Guma Yuus uayudaye i ...ufan ma agan este siha na tautaugui nai, ya enlugat di hufan hanau guato gi, Kotti, ya ufan ayuti, ufanma konseai nai no ya ufan makonsidera i famaguon.

A. 9 Enau no taya nai matachon ham kumuentos, nai lau guaho gi hinasogko

- gi kada uno hon gi dos umasaga nai no, hanai hasenti na guaha problema esta no, sina i uno huhanau nai ya ukuentusi si Senot Obispo, ya i Senot Obispo ya usangane ya umaagan i asaguana ya u suha i dos ya uma konsea ni para u-atdanchi no monna, lau humatlum yo buenti taya buenti sumisesede enau taiguenau no. Gi hinasokko taiguenau olag mohon yangin guaha lau gi tinigoho kalan mohon tihutungo magahet, hafa. Lau i este gi pago personat guaho yangin hutungo baihu hanau no ya bai hu kalan huna magkat sa tihutungo hafa na problema ya para baihu hanao yo ya bai sangane no. Pues yangin hafasen yo hafa, para baihu alog tihutungoha na problema. Lau personat mon gi kada uno, yangin yana na uafamauleg uhanau masea i palauan pat i lahi ya ualog, Senot Obispo nu, aganfan i asaguaho ya un konseha no, sen magof man ayuda haa, taiguenau.
- Q. 10 Antes na tiempo tat komo kinauloho nai, kada pupuenge antes de baien fan maigo, yan kada ogaan antes de baien fan amotsa, nu man dadania ham ni familia man manaitai ham. Kulan patte este gi kutturata.
- A. 10 Hungan.
- Q. 11 Nu pago na tiempo kalan timan masusesede este siha i tautauta, Hafa mohon gi rason na manaiguine i tanota? :
- A. 11 I rason no taya ha nai mauusa enau no megagainaha an hafaha na dinan-niag no gupot pat hafa no. En-nagui na sempre upligau di uma bendisi i nenkano no, Pago gi familia, guaha na biahe nai buenti man inalulula todo ni para ufan hanau para mano, i eskuela i checho yan todo no, esta yagin gigon manana esta kada kuatha man hanau timan matatachong nu ni para ufan dannia man amotsa, pat hafa nai no. Ennagui buente na tumaiguenau lau, guaha ha chomochogue taiguenau nai. Pat sino guaha nai ayi i personatha pago, guman i Tata ya manayuyotha ni ayi i bendise este na nengkano ni para ukanno no ni niniae gui ni ginetau kanaina si Jesuskristo enagui.
- Q. 12 Nan Denag, pago esta Nobembre dia benti dos, Otro mes man halom hit gi para Nueche Buena o sino para Pasgua, Hafa na diferensiau antes gi anai dumadankulo hau hulo gi familial miyo? Hafa taimano in celelebra osino in prepararaye hamyo nai ni familia para este na occasion?
- A. 12 Gi hinasogko no, tihutungo gi palo lau giya hamiha, nai, despensa... kumo humalom esta i Disembre nai, taya finenina guaha este i famaguon nai na ufan man espia hafa para uma-usa gi Gima Yuus gi Christmas

siempre ufan man estrena, obligau masea hafa komo nuebo no, Pago i gipot enau i taya nai na mafatinasha gi gima ya man no selebraha i Noche Buena pat sino, taiguine pago i man am,ayi an kom desde i Noche Buena, man mamatinas pago eskabeche, enagui i kostumbre ya man aanai i bisino, pat i matlinan niha,pat manianan niha,pat hafa no. En-nagui i eskabetche i mana hulo antes, de-ufan atnai nui ...lau pago kalan guaha buenti nu sina machuli lau titaiguihi antes nai ni fuetsau. Ni tafan eskabetchi ya ta fan an na-i. San ennague kalan tat kilo yan i Buenuelos dago. Ayo nai ilegniniha i man amko, gi edad nai esta yo sinkuenta anos pot i hemplo, esta sinkuenta na bunuelos kinanoho, taiguine nai sa pot i magahet na tatnai fattahu buenuelos dago. yan i eskabeche sa en-nagui gi Noche Buena sa tiufa niocho, nu katni guenau gi Noche buena asta ki maggo i Misa Gayo. Haa, taiguenau.

- Q. 13 Antes maselelebra i Misa Gayo, gi Gima Yuus, antesha di alas dosse no.
- A. 13 Gi Gima Yuus.
- Q. 14 Gima Yuus antesha de alas dosse.
- A. 14 Alas Dosse.
- Q. 15 Okay Pues este i manalilikun i Nino, desde gaiyan este nai un-  
hatso ma pratitika desde antes na mapractitika gi anai man hohoben hamyo?
- A. 15 Kalan tihu hatsu kau manaliliku antes, i Nino. Kalan esteha i tiempon esteha i Americano, gi ayo i ensegidas, na despues de sigi mona na man hanau pot distrito, nai. Pues mana lilikuha.
- Q. 16 Pago na sakan i primet sakan gianai hagoha na maise esta guine gi Noche Buena yan gi Pasgua. Hafa na diferensiau pago na sakan para hago yan i man malofan?
- A. 16 Hungan guaha diferencia yo siempre i sinentecko kontoi famaguon nai no, sa fatta esta. Fatta si tatan niha nai, pues este gui pago endisidi nai ni famaguon na ilegna na pago na sakan ta. sa kada mato este na tiempo i Christmas man aa-magof ni exchange nai, sa sagi i famaguon, nu sangi i man amko nai. ayo pago man aahatla i rifa ya maprepara, lau pago kulan ma konsidera na baien fan dan-  
niaha an magpog i Misa guine nai sa nu, lau taya ni ayo i taiguihi na atboroto i man malofan nai. Ni man magof yan todo sa no para u

baba i ...lau pago kalan para baien faniagaha pago nai, esta otro sakan sina buenti talo dididi na....

Q. 17 Nan Denang, na hutungoha na man ayuyuda hau yan active hau, pumati-sipau hau guine gi Parish Council nai, Membro hau lokue gi Nanan Kilisyano?

A. 17 Hungan.

Q. 18 Haye pago presidenten miyo guine giya Chalan Kanoa gi Cathedral gi Nanan Kilisyano?

A. 18 Gi magahet kada tres anos, debidi ma bota nu ayo nai...Guiya pago si Marian Atalig guiya pago Prumesident<sup>nai</sup>a, sa guaho esta yo monhayan guine siha gi man malofan na tiempo nai.

Q. 19 Esta hau Prumesident<sup>nai</sup>a?

A. 19 Hungan, Huu esta kulan esta ti yaho Prumesident<sup>nai</sup>a sa esta nu taallog nu tatungo yu...

Q. 20 Komo hago uno gi man brabo ni man ayuyuda gi Gima Yuus. Hafa sina un sangane i tautauta na abiso:para ke sina umas bula man man ayuyuda gi Guma Yuus. Ya uta setbi i Communidadta?

A. 20 Nu esteha na baihu sangan, hami ni kantora no, Manpos ham man ehachaflig, no sa puro ha ham man amko, ya ayo malago mame i ufan halom i man hobin.no, sa hami esta taallog kalan man flofloho, esta i bos nai no, pues man amko, Pues nu mauleg na esta ayuyuda ham si Sister. no, ayui man gaige giya San Antonio yan man ayuyuda.ham, pues taiguine gi an Damengo pat especial nai, lau gi entre simana hamiha nai, inos kuinto hama. Puroha ham man amko ani taiguihe i sais granoha,guaha na biahe na, dos hama, sa guaha siha guaho kanaha yo ti fafata nai Pues kana guaho umakukudi lokue i kada nai hafa. Lau hudesesea nai hagasha endesesea na haye mon na man hoben ufan mato sikera an Damengo na baien fan:ayuda no? Sa entre simana, husaganha na ilegko este gui maaniau niha na ufan mato, ahe ufan halom guine, gi kantora ni para ufan man ayuda no, man maaniao kada dia para ufan matto ya ufar hosme Misa, no buenti no sa sina timan ooson man maigo, pat sino talo otro man machocho pat i eskuela no? Sa ennaguiha i palo parochia guaha gurupu para an pupuenge no, lau man active na famaguon, no taiguenau nai man aakombida nai, lau tiyan niha nai an pupuenge



nai, sa tisina este i Cathedral sa desde antes sa desde antes gi  
tiempon Chapanes, Siempre uguaha ogaan, antes sa guaha nai alas  
sinko lau pago, ginen un tiempo lokue alas sinko, pues mana para  
ya alas sai, o alas sinko i media. Hachachagi lokue i Senot Obispo  
mano i sina no na ora ni mas kombinente para i tautau ni para ufan  
mato nai. Hu.a, Esteha i kantora nai sina bai sagan sa hagas nai  
manman gagau ham nai, este i taobliga ni para ufan hosme Misa no,  
Siha pago ni sinenten niha no, yangin yanniha umospia si Yuus nai,  
taya para uma obliga no, hita ta obligan maisa hit sa desdeke man  
matatpagge hit man mafanague hit, i manianata man <sup>dangkulo hit</sup> mafanague hit  
gi religion Katoliko, Pues hit pago ta hatsu hit-nai, ya ta espia  
guato nai si Yuus, sa sin si Yuus tisina hit man lala mauleg.  
Sa i ayuduna tanesesita.

- Q. 21 Despensa yo malago yo nai para baihu faisen hau, unoha na gestiona  
para baihu faisen hau. antes de tahuohom. Tai mano tungomo hafa  
na kanta para umakanta yangin mato hau gi Guma Yuus, gi haane?  
A. 21 Nu esta kalan in tingoha, esta hafa i kantan i entre simana. So  
guaha pago taiguine pago, kantan Lunes, Mercoles, San Jose no,  
Juebes para si Santa Maria no, Matis, San Antonio, Bietnes, Korason  
de Jesus, Sabalo, Santa Mariaha Damengo talo, Maayigha talo hafa  
guenau i debide u aya yan i haane nai, pago yangin guaha haanen  
maniantos nai ya intingo kumantaye, In kantataye. I ayo gi egaan  
i mapresentan Santa Maria, Pues intigoha ayo na kanta ya pues in  
kanta ayo finenina para uma tungo pat si no San Pedro, San Juan pat  
hafa nai komo haanen niha no, ennagui in kakanta, Pues ayo pago nai  
masea iayig pago hafa i tutuhon, hafa i offertory hafa i Kommunion,  
hafa i finagpo. Hua ennagui siha taguenau siha todo. Esta nu in  
tingoha sa i Senot Obispo ti chatan ya ayo i finona, komo makanta  
masea hafa para si Yuus. Sa tiyana ayo i taya kanta. Kanlan tristi  
mohon i ni si Yuus tiyana. Pues todo i tiempo, in kakanta nu  
masea hafa ni para baien, in aatan siha lokue ni para u bonito,  
gi haane nai hafa, pUes i tautau pago man matattitiyi i kantora.
- Q. 22 Okay Nan Denang, nu enkuenta di Collehio, solo guaha mas otro  
malagomo para un sagane yo?. Pago na haane,  
A. 22 Pot i...
- Q. 23 Pot i kanta yan i Guma Yuus yan todo?

- A. 23 Ahe sa hungan gi magahet, debiha di agun gi kada saina nai no u-u sa gof napiniti este ya i:famaguon magekeha, gi maestra niha nai gi taigui i Doctrina nai mafaisen pago kau man Hohosme ~~Mámpo~~ Misa? Desde anai mamananague yo lokue, sa esta guineha gi halom antes de u matai si Lucy Nan Ben, saunauha yo talo dos anos gi de humuyon, ya hami ensagagane i famaguon na hufan Hosme Misa, Guaha nai ilegniha ti homesme yo Misa sa ti man hosme Misa si Nanaha taya para ukinenneg, no. Ayogui no i famaguon nai no, malilingo i interes i Gima Yuus. Pues estegui uno talo.no, I Saina debidi ufanague i famaguon ni hafa i Religion Katoliko, hafa i:dinachi hafa i ti-dinanche. Sa guaho i rinipararaho pago ni este i megai ayo siha i hapupuno maisa siha.nai no, Ginen i amot ni manasesetbe lau tihu tungo pago no tihu lillie yan kisabes yo lau siha lokue pot ti nahon respetu no, Mafato china enau nai i maniana ná para ukonseá i famaguon niha no, ni mauleg yan i ti-mauleg.no masea u na kuret sa antes, tapapanagha i patgonta, achoka asta pago, guaho baifamanag patgonho masea pagon famaguonho yangin ti dinanchi lau ta chilun didiha nai tipara ayo ni para utungo na tidinanchi ya u puti didi nai. Lau guaha ayo na maniana man maaniau sa ufan kini-hayi, no I patgon bababaha nai no yangin tihatungo hafa i sainana yan kontra guiya, na para unafato ha no gi tihukiaye i sainaha no sa guiya ti para umachatlie na mafa-mamauleg gui para utungo i mauleg i linalana mona i mauleg yan i tailaye.no? Pat hafa nai no?
- Q. 24 Hungang\_hungan.
- A. 24 Sa yangin sumin saina ya taya konseho megai nai hasaganha gi setmon si Pale, na debi, piot sa buenti i nana matotutuhon gi famaguon no, taimanoha ayo i makompara ni i manog, no ni harikohe i patgonna no, ha togtognocni para u maigo, pues parehoha yan i saina hu ricohe ya utogtog ya u fanague hafa i debide u chogue no. Sa siempre yangin tita fanague ya para manoha i tinigona mona ti-dinanchiha nai, tina-hong, sa yangin umueskuekuela achoka umalate gi eskuela ti-udafai i tano, lau i para i antina.i tautau kada uno nai. Ya patgon i nana makondedenaha pot patgonna.Yan uginu, parehoha hita ni man asagua umaatnai dos no, ginagagau as Yuus kuenta pot guaho,guaho lokue hagagagau kuenta pot hago. Pues esta nai un tungoha.
- Q. 25 Okay Nan Denang, si Yuus Maase ni todo i infortmasion, yan este siha un historiaye yo pago na haane. Talo un biahe, enkuenta de i

in  
Northern Marianas College, proposepose este siha na programa  
para sina i famaguonta gi man mamamaila uma egag, ya umatungo  
lokue pot i kostumbreta i Religionta yan i linalata gi <sup>guine</sup> comunidadad.

Si Yuus Maase.

A. 25 Si Yuus Maase lokue pot i finaton miyo ya malago yo na inchili  
dididi hafa na finanague pot guaho, ni tinigoho.

Q. 26 Okay, si Yuus Maase Nan Denang.

A. 26 Si Yuus Maase.